



Saopćenje za javnost



Povodom incidenta tijekom održavanja Šeste javne debate
"Počinitelji i žrtve krivičnih djela su naša djeca - spriječimo
maloljetničko prestupništvo"
održane 5. 2. 2010. godine u Sarajevu

U petak 5.2.2010. godine u UNITIC centru u Sarajevu održana je šesta javna debata koja je za cilj imala monitoring obećanih i realiziranih aktivnosti na suzbijanju maloljetničkog prestupništva. Kao i na svim prethodnim debatama u sali je bio okupljen veliki broj eminentnih gostiju iz vladinog, nevladinog, obrazovnog i medijskog sektora. U predviđenom terminu za obraćanje gostiju drugi govornik bio je savjetnik gradonačelnika Sarajeva, gospodin Emir Suljagić koji se skupu obratio sljedećim riječima.

*Adis Arapović: Hvala lijepo (gospodinu Besimu Mehmediću), u ime gradonačelnika gospodin Emir Suljagić.

Emir Suljagić: Dobar dan! Za one koji me ne znaju, ja sam Emir Suljagić i ovdje sam u ime kabineta gradonačelnika i u ime gradonačelnika Sarajeva, Alije Behmena.

Ja ću sada tek da se naši gosti ponuku pošto bih volio vašu punu i nepodijeljenu pažnju. Dakle, svi se slažemo da je maloljetnička delinkvencija tema od značaja, kako za Grad, tako i za Kanton, tako i za cijelu zemlju. Grad Sarajevo, i pored ograničenih ovlasti i smanjenog budžeta, pokrenuo je jedini, i to se ovdje vidjelo, funkcionalan program prevencije maloljetničke delinkvencije. Na svakom drugom mjestu i na svakom drugom forumu ja bih bio spreman obrazložiti i braniti taj projekt do ujitro. Ovdje neću, jer organizator nije vjerodostojan... vjerodostojan, i nema kredibilitet. Ja bih se sad volio obratiti organizatoru. Gospođo Vlaisarijević, vrhunac vašeg javnog angažmana je kolumna u jednom stranačkom listu, koji posljednjih nekoliko sedmica vodi bjesomučnu i prizemnu, rasističku i šovinstičku kampanju protiv jedne žene samo zato što je Srkinja. Naravno, ovdje govorim o kampanji...

Adis Arapović: Ja... morat ću oduzeti riječi...

Emir Suljagić: Ne, ne, izvjavam se... ma ne, ja sam dovoljno glasan, vjeruj mi... Ovdje govorim o kampanji koju Dnevni avaz vodi protiv Duške Jurišić. Nemojte, molim vas...

Adis Arapović: Nije ovdje pitanje preglasavanja... gospodine Suljagiću, nije pitanje ko je glasiji, pitanje je da li je to tema ovog skupa.

Emir Suljagić: Aa...samo trenutak, razgovarati o maloljetničkoj delinkvenciji, a kukavički ignorisati rasizam i fašizam...neću šazam...

Adis Arapović: Pa, hoćemo li onda svi govoriti o onome o čemu želimo da govorimo?

Emir Suljagić: ... je kontraproduktivno. Izjavim se, Adise, je sam pažljivo pratio protokol...izjavim se... je li kultura dijaloga? Dakle, razgovarati o maloljetničkoj delinkvenciji, a kukavički ignorisati rasizam i neofašizam nije samo dvoično, nego je i kontraproduktivno. Djeca koja rastu u sredini i u atmosferi u kojoj su rasizam i fašizam dopustivi neće imati nikakav drugi izbor nego da ubijaju jedni druge. I sve dok vi ovdje, koji se nazivate civilnim društvom i nevladinim sektorom, ne odite...ne osu...ne osudite odlučno te stvari i te pojave, nećete imati vjerodostojnost, a svi resursi, sve vrijeme i sva energija koja je uložena na borbu protiv maloljetničke delinkvencije bit će protačena i uzaludna. Pomocnik gradonačelnika za društvene djelatnosti, gospodin Ramiz Kadić će ostati ovdje i odgovoriti na sva pitanja u vezi s našim programom, zbog javnosti, a ne zbog vas. Šta se mene tiče, ova debata je završena. Hvala lijepo.*

Video zapis ovog dijela debate možete vidjeti na web stranici CKD-a: www.ckd.ba

CKD je NVO koja svojim višegodišnjim postojanjem i angažmanom radi na promicanju ideja tolerancije, suživota, uvođenja kulture dijaloga u javni i medijski prostor... Za taj angažman Centar je dobio brojne nagrade, uglednih institucija kao što su OSCE i Helsinški komitet za ljudska prava u BiH. CKD je jedina NVO koja je dobila podršku svih članova Predsjedništva, oba premijera u BiH, Vijeća Ministara, Grada Sarajeva (2008), svih nadležnih ministarstava obrazovanja, OHR-a, OSCE, brojnih ambasada i ambasadora u BiH. CKD je ujedno član svjetske debate obrazovne asocijacije realizator brojnih aktivnosti za OSFBIH, CCI, CPCC, UNDP, Svjetsku Banku, IBH, OSIHNY, SDCC, Evropsku komisiju u sarajevu, Evropsku komisiju - ured u Bruxelles-u, UNICEF...

Imajući u vidu navedene podatke i reference o CKD-u smatramo da je u neprikladnom nastupu gradonačelnikovog savjetnika izvršeno sjedeće:

1. Napad na slobodu djelovanja civilnog društva osporavanjem kvalifikiranosti CKD-a da raspravlja o temi debate.
2. Napad na slobodu štampe jer je izvjesna novina unaprijed diskvalificirana i obezvrijedena
3. Napad na slobodu izražavanja jer je kolumnistički Dnevni avaz sloboda izražavanja osporena prijetnjama i kvalifikacijama
4. Klevete, insinacije, uvrede, kvalifikacije... kao i direktno optuživanje za podupiranje nasilja u gradu i šire.

Onaj koji je ovakve stvari mogao iznijeti kao svoj pripremljeni nastup u prisustvu uglednih zvaničnika i brojnih novinara, taj je to izrekao u lice domaće javnosti ne u svoje osobno ime nego u ime gradonačelnika, pa tako i Grada, pa tako i svih građana. Ako se to moglo desiti, onda smo mi svi građani u velikom problemu sa gradonačelnikom, sa upravom Grada i svima onima koji predstavljaju građane Sarajeva!

Pozivamo sve medije, organizacije nevladinog sektora koje se bave zaštitom slobode štampe i izražavanja, urede i institucije vladinog sektora, institucije koje se bave zaštitom slobode medija, institucije za zaštitu ljudskih prava, domaću javnost, razne kulture, književne i ostale udruge da se očituju o ovom nezapamćenom napadu vladine institucije na jednu instituciju NVO sektora i njenu direktoricu. Smatramo da je ovaj napad ravan javnom linču svih onih koji ne podržavaju jedno mišljenje, jednu ideju, jednu političku opciju.

Karl Popper.

"Možda ja griješim, možda ste vi u pravu, ali samo zajedničkim nastojanjem možemo dosegnuti istinu."

UKRAJINA Julija Timošenko neće priznati pobjedu Viktora Janukoviča



Članovi izborne komisije prebrojavaju glasove

Reuters

Rezultati izbora idu na sud

Izborni dan je pokazao da je Janukovičeva strana kršila izborni zakon, koristila se falsifikatima i vršila pritisak na glasače, rekao zastupnik Serhij Soboljev • Angažovani advokati

Julija Timošenko, gubitnica ukrajinskih predsjedničkih izbora, nikada neće prihvatiti legitimitet Viktora Janukoviča kao predsjednika države, piše ukrajinski list Pravda, pozivajući se na izjavu aktualne ukrajinske premijerke.

"Nikada neću priznati legitimnost Janukovičeve pobjede s takvim izborima", kazala je navodno Julija Timošenko na sastanku svoje stranke. Timošenko je naložila odvjetnicima da se pripreme za osporavanje izbornih rezultata na sudu.

Parlamentarni klub zastupnika stranke Julije Timošenko u međuvremenu je priopćio da je tokom izbora došlo do masovnih nepravilnosti i potvrdio da su angažirani odvjetnici.

Brojanje glasova

"Izborni dan je pokazao da je Janukovičeva strana kršila izborni zakon, koristila se falsifikatima i vršila pritisak na glasače", rekao je zastupnik Serhij Soboljev, prenosi portal Dnevnik. Optužujući Janukovičevu Stranku regija za izbornu prevaru, Blok Timošenko je najavio da će "na sudu braniti pravo građana na poštene i transparentne izbore".

Zapadni promatrači ocijenili su da su izbori uglavnom bili slobodni i poštjeni i u skladu s demokratskim standardima.

Andrij Skil, poslanik stranke Julije Timošenko, na konferenciji za novinare je izjavio da ona neće prihvatiti rezultat sve dok sudovi ne utvrde da su izbori bili poštjeni, javlja BBC.

"Priznaćemo da je Viktor Janukovič pobijedio samo ako na sudu ne uspijemo da dokažemo da je bilo nepravilnosti koje su mu omogućile tu pobjedu. To je suština demokratije. Namjeravamo da dovedemo u pitanje proces prebrojavanja glasova, a ne sam izborni proces o kojem su se međunarodni posmatrači već pozitivno izjasnili."

Poređenje sa SAD-om

Zvanični podaci, bazirani na 98 posto prebrojanih glasova Janukoviču daju prednost od skoro 3 posto ispred Julije Timošenko, jednog od lidera narandžaste revolucije 2005. godine. Iz Moskve se izvještava da je ruski

Balans između Zapada i Rusije

Iako Ukrajina nije moćna i bogata država, vlade širom svijeta pažljivo prate ishod izbora. Osim što je druga najveća zemlja u Evropi, Ukrajina je glavna tranzitna ruta za ruski gas koji putuje ka Evropi, Evropska unija joj je glavni trgovinski partner, a kao bivša sovjetska republika ima bliske veze sa Rusijom.

Šta se od novog ukrajinskog predsjednika može očekivati na spoljnopolitičkom planu, BBC je pitao njemačkog analitičara Aleksandra Rara:

"Janukovič će obnoviti odnose sa Rusijom, koji su u posljednjih pet godina bili veoma napeti. Tokom istog perioda imali smo dva gasna rata između Kijeva i Moskve, zbog kojih je posljedice trpjela Evropska unija. Janukovič će formirati gasni konzorcijum u koji će ući ruske, ali i zapadne kompanije, koje žele da spriječe probleme oko snabdijevanja u budućnosti. Ali istovremeno, Janukovič će se okrenuti i Zapadu. Njemu je potrebna zapadna pomoć da bi modernizovao ukrajinski ekonomiju i otplatio ogroman novac koji je ušao u Ukrajinu tokom svjetske finansijske krize."

predsjednik Medvedev čestitao Viktoru Janukoviču na pobjedi.

Viktor Janukovič, koga prati karakteristika proruski nastrojenog političara, proglasio je pobjedu. Za njegove pristalice koje su se okupile ispred sjedišta Centralne izborne komisije, trka je završena:

"Kada je Barack Obama pobijedio na američkim izborima, protivkandidat se nije ponašao kao političar, već kao državnik. Priznao je poraz i povukao se. To treba da uradi i Julija Timošenko."

Janukovič (više) nije čovjek Moskve

Stereotip o ukrajinskoj političkoj sceni je da je novi predsjednik Viktor Janukovič naklonjen Rusiji. Odnosno, to jeste bilo tako, ali sada i on više gleda u Bruxelles, kažu analitičari. Ipak, od težnji ka NATO-u nema ništa, javlja Deutsche Welle.

"Poznato je da Janukovič nikada nije podržavao ideju o ulasku u NATO. On će tu poziciju i zadržati", kaže Amanda Pol, ekspert briselskog centra za evropsku politiku.